



PRIJEDLOG

ODBOR ZA ROME PRI VIJEĆU MINISTARA BOSNE I HERCEGOVINE

IZVJEŠTAJ

O RADU ODBORA ZA ROME PRI VIJEĆU MINISTARA BOSNE I HERCEGOVINE ZA PERIOD JANUAR 2014. – DECEMBAR 2014. GODINE

1.UVOD

Odbor za Rome pri Vijeću ministara Bosne i Hercegovine osnovan je s ciljem poboljšanja zaštite romske manjine u BiH. Odbor za Rome je savjetodavno i koordinirajuće tijelo Vijeća ministara BiH i kao takav postoji od 2002. godine.

Prvi saziv Odbora za Rome pri Vijeću ministara Bosne i Hercegovine imenovan je na osnovu zaključka Vijeća Ministara BiH sa 70-te sjednice održane 13.6.2002. godine.

Drugi saziv imenovan je Odlukom o imenovanju Odbora za Rome pri Vijeću ministara Bosne i Hercegovine na 27 sjednici Vijeća Ministara BiH, održanoj u novembru 2007. godine („Službeni glasnik BiH”, br. 99/07) na mandat od četiri godine.

Treći saziv je imenovalo Vijeće ministara BiH je na 20 sjednici održanoj 18.9.2012. godine donoseći tom prilikom i Odluku o formiranju Odbora za Rome pri Vijeću ministara BiH i Odluku o imenovanju članova Odbora („Službeni glasnik BiH“, broj: 85/12) od 25.10.2012. godine. Odlukama su, pored ostalog, definisane nadležnosti ovog tijela.

Odbor za Rome se sastoji od 22 člana, 11 predstavnika Roma i 11 predstavnika institucija. Po jednog predstavnika ispred institucija Bosne i Hercegovine predlažu: Ministarstvo za ljudska prava i izbjeglice Bosne i Hercegovine, Ministarstvo finansija i trezora Bosne i Hercegovine, Ministarstvo civilnih poslova Bosne i Hercegovine, Ministarstvo sigurnosti Bosne i Hercegovine, Ministarstvo pravde Bosne i Hercegovine, Direkcija za evropske integracije, Agencija za zapošljavanje Bosne i Hercegovine i Agencija za ravnopravnost polova Bosne i Hercegovine. Također, po jednog predstavnika predlažu vlade Federacije Bosne i Hercegovine, Republike Srpske i Brčko Distrikta Bosne i Hercegovine.

Članove Odbora ispred registrovanih romskih udruženja, po principu jedno udruženje jedan glas, osiguravajući ravnopravnu teritorijalnu zastupljenost predlažu romska udruženja: iz Federacije Bosne i Hercegovine šest članova i to po jedan član ispred uredno registriranih romskih udruženja sa područja Kantona Sarajevo, Zeničko-dobojskog kantona, Unsko-sanskog kantona, Tuzlanskog kantona, Srednjobosanskog kantona i Hercegovačko-neretvanskog kantona, samostalno ili u saradnji sa registriranom krovnom organizacijom; iz Republike Srpske tri člana i to po jedan član ispred uredno registriranih romskih udruženja sa područja regije Banja Luke, Doboja i Bijeljine samostalno ili u saradnji sa registriranom krovnom organizacijom; iz Brčko distrikta Bosne i Hercegovine jednog člana, te ispred Ženske romske mreže jedna članica.

2. CILJEVI I ZADACI

Odbor ima nadležnost da raspravlja o svim značajnim pitanjima sadržanim u Strategiji Bosne i Hercegovine za rješavanje problema Roma ("Službeni glasnik BiH", broj 67/05), (u daljem tekstu: Strategija) te prati provođenje i predlaže aktivnosti u svrhu efikasnije realizacije Dekade inkluzije Roma 2005-2015. godina. Konkretno, Odbor je zadužen za:

- a) sistemsko praćenje provođenja Akcionog plana za rješavanje problema Roma u oblastima zapošljavanja, stambenog zbrinjavanja i zdravstvene zaštite (u daljem tekstu: Akcioni plan) i Revidiranog plana o obrazovnim potrebama Roma u Bosni i Hercegovini;
- b) donosi operativne planove i predlaže mjere za unapređenje provođenja Akcionog plana;
- c) putem svojih predstavnika inicira aktivnosti na osiguranju sredstava u budžetima institucija na nivou Bosne i Hercegovine i entiteta za potrebe realizacije Akcionog plana;
- d) prati utrošak odobrenih sredstava u budžetima institucija Bosne i Hercegovine i institucija entiteta za realizaciju Akcionog planu u sve tri oblasti te dinamiku realizacije istih;
- e) uključuje se u ostvarivanju kontakata sa potencijalnim donatorima i drugih zainteresovanih strana na osiguravanju sredstava za provođenje Akcionog plana;
- f) u cilju donošenja validnih stavova, zaključaka i preporuka, Odbor može, u skladu sa finansijskim mogućnostima, formirati stalne ili povremene komisije i tematsko-stručne grupe, a posebno u okviru implementacije Akcionog plana;
- g) svojim aktom utvrditi će sistem monitoringa realizacije utvrđenih planskih aktivnosti za Rome u Bosni i Hercegovini te pratiti metodologiju utroška donatorskih i budžetskih sredstava namijenjenih za realizaciju Akcionog plana.

3. NAČIN RADA

Način rada i odlučivanja Mješovite komisije uređen je Poslovníkom o radu Odbora za Rome pri Vijeću ministara BiH. Odbor razmatra materijale i akte iz djelokruga svoga rada, te donosi zaključke, preporuke i daje mišljenje o pitanjima značajnim za romsku populaciju u Bosni i Hercegovini. Odborom rukovodi predsjednica/predsjednik, predsjedava njegovim sjednicama i predstavlja ga pred organima i institucijama vlasti u BiH i u javnosti.

Zaključke, preporuke i mišljenja o pitanjima koja se raspravljaju na sjednici, Odbor donosi, odnosno usvaja, većinom glasova prisutnih članova/ica Odbora.

Stručnu i tehničku pomoć Odboru pruža Ministarstvo za ljudska prava i izbjeglice Bosne i Hercegovine, a po potrebi i druga tijela, mjerodavna za rješavanje pojedinih pitanja sadržanih u Strategiji i Akcionom planu.

4. PREGLED OPERATIVNIH AKTIVNOSTI

Vijeće ministara BiH je na 95. sjednici održanoj 20.05.2014. godine usvojilo Izvještaj o radu Odbora za Rome pri Vijeću ministara Bosne i Hercegovine za period septembar 2012. – decembar 2013. godine. U navedenom periodu Odbor za Rome pri Vijeću ministara BiH je održao **devet** sjednica sa konkretnim operativnim aktivnostima

- Na desetoj sjednici Odbora za Rome pri Vijeću ministara BiH održanoj 17. februara 2014. u Sarajevu usvojen je *Strateški plan rada Odbora za Rome pri Vijeću ministara BiH za period 2014-2016.* u kome su kao prioriteta za 2014. godinu navedeni:

1. Osigurati kontinuiran rad Odbora za Rome
2. Osigurati transparentnost na relaciji Odbor za Rome – romski NVO sektor i Odbor za Rome - javnost
3. Pružiti podršku državnim institucijama u procesu predsjedavanja Upravnim komitetom Dekade romske inkluzije
4. Vrednovati rezultate utjecaja dosadašnjih politika usmjerenih ka rješavanju potreba Roma u BiH
5. Odabrati tematiku Javnog poziva za podjelu grant sredstava romskim NVO i pružiti pomoć u provođenju Javnog poziva
6. Priprema i izrada izvještaja o radu za Vijeće ministara Bosne i Hercegovine.

U izvještajnom periodu Odbor za Rome pri Vijeću ministara BiH se, između ostalih, bavio slijedećim značajnim pitanjima:

- Prijedlog budžeta i budžetskih stavki za raspored sredstava za Odbor za Rome.
- Iznalaženje sredstava za finansiranje rada Odbora za Rome pri Vijeću ministara BiH.
- Pružanje pomoći Ministarstvu za ljudska prava i izbjeglice BiH tokom predsjedavanja Upravnim komitetom Dekade romske inkluzije
- Sudjelovanje u radu Komisije za odabir projekata za stambeno zbrinjavanje Roma za 2014. godinu putem posmatrača ispred Odbora za Rome pri Vijeću ministara BiH.
- Izradom Monitoring plana revidiranih akcionih planova u oblastima obrazovanja, zapošljavanja, stambenog zbrinjavanja i zdravstvene zaštite.
- Transparentnost rada Odbora za Rome pri Vijeću ministara BiH.

Pored ovih aktivnosti Odbor za Rome pri Vijeću ministara BiH bavio se i ostalim aktivnostima koje su se ticale različitih inicijativa koje su upućivane ispred romskog nevladinog sektora, te Ministarstva za ljudska prava i izbjeglice BiH, a koje su implementirane u zavisnosti od nadležnosti Odbora za Rome pri Vijeću ministara BiH.

5. PREGLED OSTVARENIH REZULTATA

U navedenom periodu Odbor za Rome pri Vijeću ministara BiH je održao **osam** sjednica sa konkretnim operativnim aktivnostima putem kojih su ostvareni slijedeći rezultati:

- Kreiran je u usvojen *Strateški plan rada Odbora za Rome pri Vijeću ministara BiH za period 2014-2016*. U sklopu Strateškog plana data je projekcija troškova rada Odbora za Rome za navedeni period, te su definirane stavke prema kojima je napravljen raspored sredstava.
- U 2014. godini Odbor za Rome pri Vijeću ministara BiH nije dobio podršku Vijeća ministara BiH putem Budžeta institucija BiH i međunarodnih obaveza za 2014. godinu za svoje finansiranje.
- Također, zbog izmjena u tekstu *Odluke o rasporedu budžetskih sredstava za rješavanje problema Roma u oblastima zapošljavanja, stambenog zbrinjavanja i zdravstvene zaštite za 2014. godinu* koju je izradilo Ministarstvo za ljudska prava i izbjeglice BiH, te zbog neusklađenosti Odluke sa Budžetom institucija BiH i međunarodnih obaveza za 2014. godinu, u 2014. godini nisu mogla biti izdvojena grant sredstva za finansiranje projekata romskih nevladinih organizacija, tako da Odbor za Rome pri Vijeću ministara BiH nije imao mogućnost da raspravlja o prijedlogu tema od značaja za romsku populaciju koje bi trebale biti finansirane u 2014. godini.
- Odbor za Rome pri Vijeću ministara BiH i Ministarstvo za ljudska prava i izbjeglice BiH su pokrenuli nekoliko inicijativa vezanih za iznalaženje budžetskih sredstava za finansiranje rada Odbor za Rome pri Vijeću ministara BiH u 2014. i 2015. godini. Za 2014. godinu uspjeli smo obezbijediti podršku međunarodne nevladine organizacije

Care International koja je pristala finansirati dio potreba za održavanje sastanaka Odbor za Rome pri Vijeću ministara BiH u 2014. godini. Odbor za Rome pri Vijeću ministara BiH se obratio direktno Vijeću ministara BiH sa zahtjevom da se obezbijede sredstva za finansiranje Odbor za Rome pri Vijeću ministara BiH za 2015. godinu.

- Tokom izvještajnog perioda imenovan je tim ispred Odbora za Rome pri Vijeću ministara BiH koji je zadužen za pružanje pomoći Ministarstvu za ljudska prava i izbjeglice BiH tokom predsjedavanja Upravnim komitetom Dekade romske inkluzije. Zajedničkim radom određene su teme kojim će se Bosna i Hercegovina predstaviti tokom predsjedavanja Upravnim komitetom.
- U izvještajnom periodu je posebna pažnja posvećena izradi plana monitoringa u sve četiri oblasti akcionih planova. U tom cilju održana je jedna edukativna radionica, te su formirani timovi koji će razviti indikatore u odnosu na svaku pojedinačnu oblast. Formiran je i tim koji će se baviti objedinjavanjem indikatora i izradom izvještaja. Budući da su ove aktivnosti u toku nadamo se da ćemo početkom 2015. godine moći ponuditi prvi monitoring izvještaj.
- Pored toga četiri člana Odbora za Rome pri Vijeću ministara BiH sudjelovala su u radu užeg Stručnog tima za monitoring Revidiranog akcionog plana za rješavanje problema Roma u oblastima zapošljavanja, stambenog zbrinjavanja i zdravstvene zaštite 2013-2016, te kao rezultat tog rada je izrađen set upitnika sa pitanjima za različite institucije vlasti nadležne za pojedine segmente RAP-a. Na osnovu upitnika Ministarstvo za ljudska prava i izbjeglice BiH će početkom 2015. godine izraditi monitoring izvještaj.
- Unaprjeđena je transparentnost rada Odbora za Rome pri Vijeću ministara BiH, te se sada pored web stranice, informacije sa sastanaka distribuiraju mreži romskih nevladinih organizacija, a održana je i jedna press konferencija sa temama od značaja za rad Odbora za Rome pri Vijeću ministara BiH.

6. TEKUĆE AKTIVNOSTI I NAREDNI ZADACI

U narednom periodu Odbor za Rome pri Vijeću ministara BiH će imati dva osnovna zadatka:

1. Pružanje podrške državnim institucijama u toku predsjedavanja Upravnim komitetom Dekade romske inkluzije u periodu januar 2015 – juni 2015, te
2. Monitoring aktivnosti utvrđenih Revidiranim akcionim planom BiH za rješavanje problema Roma u oblasti obrazovanja, zapošljavanja, stanovanja i zdravstvene zaštite.

Pored ovih ključnih aktivnosti Odbor za Rome pri Vijeću ministara BiH u 2015. godini trebati će raditi na reviziji Strategije BiH za rješavanje problema Roma.

Navedene aktivnosti će najviše zavisiti od toga da li će država naći način da izdvoji sredstva za rad Odbora za Rome pri Vijeću ministara BiH.

U skladu sa sačinjenim izvještajem Ministarstvo za ljudska prava i izbjeglice BiH predlaže da Vijeće ministara BiH razmotri donošenje slijedećeg zaključka:

- 1) Usvaja se Izvještaj o radu Odbora za Rome pri Vijeću ministara Bosne i Hercegovine za period januar 2014. – decembar 2014.godine**